

太上洞玄靈寶出家因緣經

道言昔開皇元年七月十五日午時於赤明國朱陽上觀三

寶壇詣

太上天尊受无上三洞大乘妙經一萬二千五百篇符圖七千章已天尊將歸太空無爲之境時會有二百國王及以妃后并諸大臣國民男女同發道意稽首天尊捨棄國城妻子求欲出家誓願受持三洞經典終身供養作當來三世福業

天尊含笑放九色寶光照此大會及諸王等國人男女和神明徹如琉璃珠臟腑毛髮莫不皆見是諸王等於其光內自見己身表裏洞朗悉知宿命過去未來三世善惡皎在目前是諸王道藏輯要

出家因緣經

本

房集六

等及以男女一切會人咸皆震懼更發無上最勝之心匍匐禮拜上白

天尊言弟子宿因運會得遇慈尊無上勝會復值太上奉受三洞大法更逢經典昭示昔緣實非凡夫千載慶幸特由天尊宏慈之澤欲以開度曲逮之恩頓集今日蟲蟻微物豈覺深仁然喁喁之誠實欲捨棄穢土及以妻子願得出家持奉經戒作出世福田恩惟

天尊特垂開許

天尊曰汝未發心吾已知之所以放此光者將欲示汝宿命令識善惡因緣夫出家者因緣甚重汝能發意是不可思議但恐

汝等耽染世事放蕩已久不能甘苦受此勤勞有始無終初勤後怠匪專守道終落惡門輕師慢法自取沉淪是諸王等一時頓顙稽首叩頭聲淚俱下遂作誓言弟子等若出家後有始無終初勤後怠違其本誓中道退惰即與九祖父母同淪地獄萬劫難原後報受生非人之類不敢有言

天尊曰汝各諦聽吾今爲汝說出家因緣夫出家者或先世建立靈觀玄壇及諸精舍聖真仙迹廣修堂殿造諸形像真應化身莊嚴供養抄經講說誦念流通開悟人天或先世捨施國城妻子頭目髓腦金銀珠玉綾羅錦綺車馬僮僕卧具服飾玩弄器物入三寶中用作諸福田或先世持齋奉戒禮拜燒香行道

道藏輯要

出家因緣經

空

房集六

讚誦謝罪除愆常行善願不捨須臾或先世放贖生命救濟貧窮囚徒老病及諸鳥獸育聾六疾一切眾生或先世救疾治病活諸危苦已死之人或先世廣讀經論講說教化勸獎童蒙令知善道或先世種植果林道邊立井造作舟梁濟度一切或先世大設義田施衣及食饑寒病苦蟲魚鳥獸一切貧窮皆令飽足或先世建立義堂愍念寒熱施漿及火救助行旅使得安居或先世所在發心平等一相廣化男女勸助道場立觀度人寫經鑄像授經傳戒禮拜燒香然燈念誦布施懺悔開悟羣迷或先世忠貞仁孝助國興化正直清廉淳和良善不損於物安樂眾生或先世爲君大行慈善卑宮菲食憐念人民平等萬物國

土安寧而諸惡未盡眾善未圓功名雖著不得遷昇隨其高下來生人中更值經法而得出家或七祖積福慶流子孫或見世立功名聞諸天非起一朝而得之也汝等先世信向三寶寫經造像建立玄壇度人濟物持齋禮拜念誦燒香供養行道布施懺悔願念不絕大作功德致令國王之報人中第一是不可思議更能捨國城妻子棄世歡樂求乞出家持奉經誠發無上心作當來過去長生道業甚爲希有不可思議不可思議是諸王等一時稽首五體投地悲喜不寧

天尊於是卽命九地真官敷延真之座四天帝王列度仙之錄三天眞王下證眞之信五帝持幢三界執符四司齋簡三官案道藏輯要

出家因緣經

卷

房集六

簿諸天帝君仙童玉女神仙兵馬巨億萬眾一時來下散花燒香揚旛振旌鏗鐘叩磬天樂萬種羅列左右同聲稱善俱到道場監臨法會開度善緣

天尊命我與玉清高聖授諸王等入道科誡節度威儀四天王等爲加法服北面禮

天尊三拜回禮吾及諸天仙眞聖等東面伏地受初眞誠也誠曰出家之後第一不得輕慢經道及以本師第二不得泄慢法服損道威儀第三不得中道退敗趨世榮華第四不得捨我法衣更從異學第五不得與非出家及諸異學交遊居處穢辱法服第六不得啖食酒肉懷殺害想第七不得與諸男女交遊生

姪邪想第八不得違犯經誡生諸過惡第九不得傲誕狼戾欺
凌同道及非出家人第十不得不敬父母國君不忠不孝一當
常發大心立觀度人寫經造像紹隆聖教二當常發大心講說
三洞經教勸化眾生令廣悟解三當常發大心持齋禮拜奉誠
燒香作過去未來生死道果四當常發大心爲國主人王大臣
宰輔天下人民作大功德五當常發大心爲九玄七祖所生父
母眷屬妻子一切眾生作厯劫福田六當常發大心遍爲天下
地上有識無識有緣無緣若人非人一切含識讀經禮拜念道
念師皆令離苦同昇道岸七當常發大心願一切眾生皆悟正
道永免生死八當常發大心願前劫後劫今身生身大道興隆
道藏輯要

出家因緣經

三

房集六

永無淪壞開度眾生是諸王等各禮三拜又回心禮十方各一
拜因對

天尊自發誓願第一誓者出家之後誓不輕慢經道及以本師
第二誓者出家之後誓不泄慢法服損道威儀第三誓者出家
之後誓不中道退敗趨世榮華第四誓者出家之後誓不捨其
法服更從異學第五誓者出家之後誓不與非出家及諸異學
交遊居處穢辱法服第六誓者出家之後誓不啖食酒肉懷殺
害想第七誓者出家之後誓不與諸男女交遊生姪慾想第八
誓者出家之後誓不違經誡生諸過惡第九誓者出家之後誓
不做誕狼戾欺凌同學及非出家人第十誓者出家之後誓不

敢不敬父母國君不忠不孝一願立觀度人寫經造像紹隆三寶二願講說三洞經教令廣開悟解三願持齋禮拜奉誠燒香旦夕不替四願爲國主人王大臣等輔天下人民作諸功德五願爲九玄七祖所生父母眷屬因緣作愿劫福田六願遍爲天下地上一切眾生讀經禮拜令登道岸七願一切眾生皆悟正道八願前劫後劫常在道門心不退轉九願十方世界一切男女有道心者同得出家十願劫劫種因早得仙道永無生滅發此誓願已是諸大眾一時稱善各住本位於是諸天仙真聖眾玉童玉女建節持幢散花燒香歌詠天尊無量功德奏天音樂引諸王等新出家者行道三市十聲稱善歎願畢已逕就福堂

道藏輯要

出家因緣經

齋

房集六

飲食天供持齋清淨諸天男女及以國人下萬種花果珍奇法味次第周行供養訖已將諸府庫七寶珠玉綾羅錦綺衣服卧具玩弄器物香爐几拂如意履杖食器坐褥繩牀夾膝幡幢澡罐巾帕皂笊僮僕車馬園宅苑囿竹樹果林花藥池沼種種法物捨施供養新出家者及諸會人同發聲言我等宿幸得逢今日

天尊慈悲大弘度脫有是王等棄國出家而爲我等作大福利開盲愚心得見真道唯願王等堅持法相住大法門行

天尊教開度我等使我滅罪生無量善當來世中得出家法身說是願已三聲稱善瞻仰

天尊稽首而坐

天尊曰汝等男女無量劫來持奉齋戒供養禮拜得遇今日不可思議更當布施新出家者及諸眾會功德無量天人歡欣必當閉眼卽生富貴國王之門聰明賢達還得出家定不差也是諸男女同聲稱善一時禮拜依位而坐

天尊曰出家者有三種義一曰出家二曰入道三曰捨凡何謂出家家有二義一者恩愛之家謂父母恩愛兄弟恩愛姊妹恩愛男女恩愛眷屬恩愛共相纏縛繫戀在心造諸惡業種種貪著令生煩惱不得自在修正眞道今出此家永斷恩愛常得自在念道無爲二者諸有之家謂我此身五陰四大聚集相成處

道藏輯要

出家因緣經

卷

房集六

在世間妄生染著六根三業廣構諸塵世境攀緣造眾惡業色聲香味煩惱淨心弊穢旣生輪迴生死不能解脫永劫沉淪世世生生受非人類今知身非身不淨臭穢膿血聚合暫寄少時一旦化消百骸無主譬諸泡幻聚散須臾萬法參差同一虛假總非我有與我自殊妄繫有無而生染著穢累識神遂幽地獄今出此家永斷煩惱觀身空假諸境洞然運想舉心皆歸至道體神入妙鍊質歸無不死不生永證常樂故曰出家何謂入道道有二種一者道境謂玄壇靈觀山林靖治樹下花園清淨無爲不交凡世身登此地面對眞容口誦靈文無諸髣雜燒香禮拜行道誦經講說大乘專精守一棄彼俗境入此道場陶鍊心

形必至常樂克成眞聖證果玉清無去無來湛然常住二者道
體謂端身靜慮觀想內身省察已形遠觀諸物同爲有待俱是
空無黯爾翫生倏然俄化卽生卽滅歟有歟無萬法不停一生
非久熟看世界念念無常好體我身誰爲眞者當知假合旣備
因緣聚散須臾豈能常住當須存三守一鍊質成眞長與道同
免其生死常樂我淨證果道場轉此漏身名爲入道何謂捨凡
凡有二種一者凡境謂天地日月山河石壁草木蟲魚一切眾
生皆是有物暫生暫滅卽破卽壞消散少時不肯耽著染穢我
身當知三界悉爲空假並能捨棄永絕貪求二者凡身謂我此
身眼耳鼻口身肉皮膚手足毛髮百骸九竅總相聚合名之爲

道藏輯要

出家因緣經

卷

房集六
八十八

人究竟尋求人無有處生老病死念念無常不淨臭穢暫時依
倚何須執著而有是非彼我殺生偷盜邪淫放蕩嫉妬慳貪罵
詈嗔怒綺言妄語兩舌惡口嘖嘖欺凌富貴貧窮更相侵取愛
憎取捨種種攀緣流浪色聲貪著香味常聚金寶玉帛綾羅繒
綺米麥穀粟積歛無厭將充萬世豈知一旦形化灰塵今捨我
身息諸貪著眼斷諸色耳斷諸聲鼻斷諸香口斷諸味意斷諸
法身斷諸欲乃至六根六識六欲六賊六入六染六塵更相因
起三十六緣諸惡根本並皆棄捨澄淨一心永斷煩惱故曰捨
凡總此三者名爲道士所以名爲道士者謂行住坐卧舉心運
意唯道爲務持齋禮拜奉誡誦經燒香散花然燈懺悔布施願

念講說大乘教導眾生發大道心造諸功德普爲一切後已先
人不雜塵勞唯行道業士者事也事有多少學致差殊凡有七
階俱稱道士一者大真謂體合自然內外清淨二者神仙謂變
化不測超離凡界三者幽逸謂含光藏輝不拘世界四者山居
謂幽潛默遁仁者自安五者出家謂捨諸有愛脫落羣塵六者
在家謂和光同塵抱道懷德七者祭酒謂屈已下凡救度危苦
故得天下地上六道四生禮拜歸敬最爲尊勝不朝天子不揖
公侯作人天福業受三界供養所以者何由稟我法教依我法
服持奉經誡開導眾生令過去未來三世永脫憂苦入常樂門
是諸人天法身父母故也帝王者雖富有萬國貴爲人尊而不
道藏輯要

出家因緣經

卷

房集六
×××

免生死不免疾病不免煩惱不免破壞不免寒暑不免往反能
若道士脫其患矣若出家不依我法不持法衣或背道入俗棄
真就僞或從異學邪道崇奉外教或趨世榮華苟貪名利或王
法逼迫官私枉橫脫其衣服損辱法身或自捨法服卻沉凡界
或人不信敬罵詈凌辱打格出家法身或生輕慢心不恭肅或
戲弄調笑噴噓傲誕如此之人見世必遭蟲癩之病眉毛墮落
遍身瘡腫舉體爛壞人不喜見或遭官司牢獄桎械枷鎖痛楚
切身或盲聾瘡啞手變腳跛形容醜陋貧窮下賤或風狂顛癲
邪神惡鬼冤家凶對以相報值病苦加身或毒蛇猛獸水火刀
兵凶人劫賊非意損害或所生男女形容醜陋貧窮下賤常不

具足或長病在身求生不得求死不得常居牀枕或生落邊夷
更相殺伐旦夕驚恐父子分離一旦身死逕入地獄吞火食炭
足履刀山手攀劍樹身負鐵杖鑊湯煮漬確擣磔磨寒水逼體
萬痛切身晝夜拷掠辛苦備經動則萬劫後得受生還爲六畜
貧窮下賤盲聾六疾種種苦惱切割其身若出家之後心生退
轉輕慢法服違犯經誡飲食酒肉殺生偷盜邪淫放蕩不持法
相損污道門亦復如是時諸眾等同聲稱善禮拜
天尊而說頌曰

善哉無上尊 慈悲普救護 授與太上經 諸王得開悟

因茲同發願 投誠永傾慕 捨國求出家 隨緣總開度

道藏輯要

出家因緣經

卷六 房集六

受誠說誓願 人天感丹慄 廣演因緣法 並入歸依路

永作生死果 萬劫常流布 我等諸會人 同歡飲甘露

若四時失度陰陽不調當須立觀度人若水火刀兵天下損傷
當須立觀度人若疫毒流行人民死亡當須立觀度人若國主
有災厄運相逢當須立觀度人若國祚將危兵革四興當須立
觀度人若初登王位化治人民當須立觀度人若統領天下國
土不安當須立觀度人若誕育男女疾病厄難當須立觀度人
凡有災厄及諸變異一切危苦當須立觀度人或爲父母或爲
己身或爲妻子或爲臣民或爲祖世或爲見存或爲終亡或爲
三塗皆當立觀度人夫立觀度人上消天災安鎮國祚保護帝

王消穢毒害開度人民生死獲慶其福巍巍普令一切使有歸依功德無量不可思議

道言夫出家者作生死福田受人天勝報常當禮拜供養給其所須衣服卧具玩弄器物香油几杖車輿僕從殿堂屋宇臺榭樓閣花林藥圃浴池果園飲食滋味珍寶繒綵旛花燈燭鐘磬法具香爐澡罐如意塵拂隨其所有以用布施供養出家法身令得安樂開發智慧轉讀尊經禮拜燒香持齋奉誠建百寶座講說大乘常爲國主人王大臣宰輔人民男女一切眾生作三世福田帝主國王大臣宰輔及以人庶生不信心罵詈咒詛訶責凌辱禁閉枷鎖損壞法身或致傷殺鞭笞考楚使其辛苦汗道藏輯要

出家因緣經

卷

房集六

慎之

道言汝諸男女甯剝五百人衣不得脫一出家法衣甯害一切惡人不得害一出家法身甯犯三千猛獸不得犯一出家甯辱五千力士不得辱一出家甯輕欺一萬惡鬼不得輕欺一出家甯坐大火之中不得與出家同席甯卧熱鐵之牀不得共出家同寢甯觸五萬毒蛇不得觸出家法衣甯吹大山爲塵不得道說出家甯吞萬斛猛火不得食出家人物甯沒萬丈穢中不得

淫犯出家竄出百千人身血不得見出家是非所以者何出家是

天尊弟子紹隆經教故出家是一切人天無上法師故出家是一切眾生死橋梁故出家是一切人民歸依父母故出家是國主人王修善因緣故出家是九玄七祖拔度功力故出家是諸仙真聖發生初心故出家是三塗五苦彼岸法舟故受國主人王父母眷屬禮信供養諸天魔王三界鬼神稽首束形自稱下官受教出家法門何以故爲愛

天尊遺教行

天尊經法誦

道藏輯要

出家因緣經

丰

房集六
川上步

天尊法言佩

天尊誠錄持

天尊符圖常有三界五帝將軍吏兵守衛迎送犯之者獲罪若帝主國王大臣宰輔人民男女能發善心出家入道者九祖父母得上天宮七世子孫不入地獄若道士廣勸有緣令出家者一人益算一千五百三人已上名登仙格見世歡樂衣食自然過去生天福報無窮

道言汝諸男女既出家已當須護持法服尊師念道持奉經誠勤修行業禮拜燒香長齋奉誠誦經行道講說大乘廣建功德更相開度化喻眾生紹隆法教常行慈悲救濟一切精研上道

轉神入妙在在長存念念增進永不退墮克得道真

道言汝等男女皆從無量劫來捨身受身行諸善道持奉齋戒
今得出家須知宿命生身因緣夫人承昔功業資道之力得生
人中寄胎父母和合善緣兩半成身法天象地具足六根稟受
元氣生化百神運動陰陽遍滿身形眼耳鼻口骨節皮膚臟腑
血脉內外相連結聚真氣榮衛五神致得堅固內本一源日月
流照生化百神三元八景轉變無窮內外相合三萬六千從初
至終次第有倫今爲汝說須識之焉人始受胎因緣道一天地
陰陽各以一半未身之前寄父母胎九天構氣三元布神一月
爲胞胞者包也元氣包裹結聚混黃運轉生化中有真精二月

道藏輯要

出家因緣經

主

房集六
卷一

爲胎胎者恢也神乘宿命來降父母身中構造陰陽恢廓其形
三月爲魂魄者云也陽之粹精薄而生神云云不住運轉經營
四月爲魄魄者泊也陰之淳氣凝神鎮形泊然安靜以定厥身
五月爲臟臟者藏也陰陽有象五行列分置立五臟肝心脾肺
腎以藏五神攝御萬靈生化一身六月爲腑腑者聚也積聚津
液溉灌五神大小腸胃膽焦膀胱消息穀津百體成焉七月爲
竅竅者通也出入視聽內外開明八月爲景景者警也三部八
景警備人身九月神具天地日月星辰五行四時生化一切神
明內外相合出入身中上下三部環繞三宮萬有八千表裏影
照一時生身金堂玉室十二重樓紫戶玉閣日月星辰五嶽四

瀆象地法天宛轉備具遍滿其身十月天地神祇五帝四司九天司馬十方善神仙童玉女一時監臨太一衛軒玄母守房感天動地眾聖齊歡司命注籍天帝定年隨其宿業受報不差保形守神澄心自然變鍊滓滯重修善功以道通神以德育形形神合契歸於虛无不生不死常住獨存人須保養形神慎勿損焉汝道士當須保守形神愛養精氣不損毛髮不損皮膚內全精神外具身形首冠蓮花足履太山中披日月四象分明天地在體日月存身有道可法有德可尊萬物服從一切歸依故謂法服出家法身

道言吾過去後上皇半劫當有邪學鬼道不從我教自作一法

道藏輯要

出家因緣經

圭

房集六

人民信向天下歸伏損形滅身多積財寶大造形像廣設屋宅妄稱聖果過去得福淫慾姦矯惑亂人心漸漸滋蔓男女敬信永不開悟國破家亡身滅族散繼踵相仍舉世沉迷終無覺察當此之時我法大壞人不肯行唯崇鬼法寂滅之教長生久視而不信用痛哉痛哉道士無知亦復奉也一習此法永無仙分長生之冀可不慎哉何以故爲是陰教鬼道死滅之法喻如五穀朽壤有生相不亦如腐壤能生物不亦如死灰更有然不復如枯木得重榮不消散朽壤化爲糞土此爲寂滅不生法也世以生爲善事死是惡事皆欲其生悉悲其死故我爲說長生之法令其不死永劫長存但爲眾生顛倒不能信奉致有死壞而

乃求學死滅之法豈不誤哉且死者豈復須學矣故仙道貴全身鬼道貴滅形仙道貴光明鬼道貴幽冥仙道貴長存鬼道貴消亡仙道貴清虛鬼道貴濁辱仙道貴保安鬼道貴浮危仙道貴有身鬼道貴無形有道者長生無爲鍊神入妙歸於大道形神合契常存不亡是也無身者死滅灰塵形朽神逝沉淪九夜冥冥幽暗是也汝等道士宜志之焉吾故預記令有心者識矣道言吾過去後有諸道士身披法服形似出家而心實凶惡飲食酒肉殺生偷盜邪淫顛倒種種過惡悉能行之專學小道貪求名利攻根伐本背正入邪不信神仙長生眞法而求邪學死滅道者千千萬萬吾當遣五天魔王次第誅之

道藏輯要

出家因緣經

卷

房集六
X1

道言有諸道士及以男女持經奉戒禮拜燒香布施救貧造諸靈觀抄經鑄像講說開導接引有心吞津咽液存三守一灰心滅想志求真仙不死之法專誠無退者吾遣諸天靈官九地主司教其大法更受眞經神丹靈藥仙芝玉英延年變化鍊質易神常存之道隨其學業召入仙宮五嶽洞天漸致通靈轉神入妙飛騰諸天此之學者世亦難量仙道隱密人不知矣是諸王等及以眷屬仙眞聖眾一時稱善稽首而退